



Meeqqanut, Inuusuttunut, Ilinniartitaanermut,
Kultureqarnermut, Timersornermut
Ilageeqarnermullu Naalakkersuisoq
ikin@nаноq.gl

Ulloq: 28-10-2024
J.nr.: 01.39.01.03-00273

**Kultureqarnermut, Ilinniartitaanermut, Ilisimatusarnermut Ilageeqarnermullu
ataatsimiititaliaq peqatigalugu pingasunngorneq ulloq 30. oktober nal. 10.00-11.00
ataatsimiittarfik Erling Høegh-mi siunersiuinissamat aggeqqusissut**

Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq Ataatsimiititaliap imm. UKA2024/77-imut atatillugu ataatsimiititaliamit siunersiuinermut aggersarneqarpoq.

Siunersiuinermut tulliuuttugit allaqqasut ataatsimiititaliamit eqqartorusunneqarput :

1. UKA24/77 pillugu Naalakkersuisut allannguutissatut siunnersuutaat kingulleq ulloq 21. oktober 2024-meersoq pillugu Naalakkersuisoq tunngavilersuuteqaqquneqarpoq.
2. Aappasaaneerinninnermi siullermi Naalakkersuisoq ilisimatitsivoq ilinniartitaanermut aningaasalersuinissaq misissorneqalereersoq, tassungalu atatillugu ataatsimiititaliamut ilisimatitsissuteqartoqassasoq. Tamanna tunngavigalugu aningaasalersuinissamat Naalakkersuisut pilersaarutaat pillugit ilisimatitsissuteqartoqarnissaa ataatsimiititaliamit kissaatigineqarpoq?
3. Suliaq pillugu soqutiginaatilinnik allanik Naalakkersuisut ilisimatitsissuteqarsinnaappat?

Naalakkersuisumik siunersiuinermini allanik aamma apeqquteqarnissani ataatsimiititaliap naatsorsuutigaa. Ataatsimiititaliap Naalakkersuisumik siunersiuinerata Ilinniartitaanermut, Kultureqarnermut, Timersornermut Ilageeqarnermullu Naalakkersuisup ataatsimiititaliallu akornanni pingaarnersiuilluni tulleriiaarinerit anguniakkallu pillugit naalakkersiuinermut tunngasumik oqaloqatigiinnertut sapinngisamik iluseqartinneqartarnissaa Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allasimasut pillugit allakkiamik kalaallisut danskisullu siunersiuineq sioqqullugu pissarsitinneqarnissani ataatsimiititaliap kissaatigaa. Allakkiap uunga nassiunneqarnissaa qinnutiginerpoq nimha@ina.alla.gl aamma inatsisartut@inatsisartut.gl

Inussiarnersumik inuulluaqqusillunga



Najaaraq Møller

Ataatsimiititaliami Siulittaasoq



Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap isumasioqatigineqarnissaani akissuteqaat

29-10-2024
Sagsnr. 2024 - 6092
Akt nr. 24729920

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Isumasioqatigiinneq UKA 2024/77 pillugu

Ataatsimiititaliap isumasioqatigiinnissamut kissaatigisimavaa
ogallisigineqassasut tulluuttut apeqquteqaatit, qinnutigisimallugulu uannut
isumasioqatigiinneq siqqullugu allakkiamik tigusaqarnissaq. a

Taamaattumik matumuuna apeqqutigineqartut akissuteqarfigissavakka.

1. Naalakkersuisoq qinnuigineqarpoq saqqummiunneqassasoq tunngavilersuutigineqartoq allannguutissatut siunnersuummut kingullermut Naalakkersuisuneersumut UKA 24/77 -imut ulloq 21. oktober 2024-imeersumut.

Allannguutissatut siunnersuummut tunngavilersuutigineqartoq ersippoq Naalakkersuisut aappassaaneerinnissamut akissuteqaataanni. Tassani nalunaarneqarpoq: "Naalakkersuisut taamaattoq nalilerpaat pisariaqartoq suleqatigiissitap inassutaasa utaqqineqarnissaat, matumani aamma aningaasalersuinissamut, isummertoqarsinnaaneranut ilinniartitaanerup pilersinneqarnissaanik. Naalakkersuisut taamaattumik isumaqarput pisariaqartitsisoqartoq periarfissat misissorneqarnissaat, ilinniartitaanerup suleqatigiissitaaq aqqutigalugu pilersinneqarsinnaaneramik.

Ataatsimiititaliap allannguutissatut siunnersuutaa siunnerfeqarpoq Naalakkersuisut pisussaaffeqarnissaannik ilinniartitaanerup pilersinneqarnissaanik Inatsisartut piffissami matumani ilinniartitaanerup imarisassaani sulii ilisimasaqalinngitsut aammali pilersitsinissami ingerlatsinermilu aningaasartuutaasussum.

Naalakkersuisut allannguutissatut siunnersuutaanni qitiuvoq taamaasilluni ataatsimiititaliamut tunngatillugu Naalakkersuisut isumaqarnerat utoqqineqartariaqartoq ilinniartitaanermik pilersitsisoqarsinnaanerani tamakkiisumik pissutsinik qaammarsaasoqareernissanut tamanna pillugu. Aatsaat tassunga killissaagut suleqatigiissitap sulinera naammassereerpat. Taamaasilluni pisariaqassaaq ilinniartitaanerup imarisassaasa aalajangersarneqarnissaat, aamma tamatumunnga atatillugu ingerlatsinermi aningaasartuutaasussum.

Pisumi namminermi pineqarput ilinniartitaanerit assigiinngitsunik pingasunik ataatsimoortitsilersinnaaneq kandidatsitut ataatsimut aaqqissuussinngorlugu,

pingaaruteqarlunilu ilinniartitaanerit assigiinngitsut pingasuusut peqataanissaat imaluunniit akuunissaat ilinniartitaanerup aqqissuunneqarnerani, imaalillugu kandidatit ilinniagaalersussa q tassassasoq kikkut tamarmik akuerisinnaasaat suleqatigiissitaq ataatsimoorussa q aqutigalugu. Aamma pingarpoq ataqqinneqassasoq suliat taamaattut piffissamik pisariaqartitsisarnerat.

2. Aappasaanerinninnerup siulliup nalaani Naalackersuisup ilisimatitsissutigaa maanna misissorneqartoq ilinniartitaanerup aningaasalersorneqarnera, tamatumunngalu atatillugu ataatsimiititaliaq paasissutissinneqassasoq. Tamanna tunuliaqutaralugu ataatsimiititaliap kissaatigaa Naalackersuisut aningaasalersuinissaq pillugu paasissutissiissasut?

Ilumoorpoq Naalackersuisup neriorsuutigimmagu ataatsimiititaliamut aningaasalersuinissaq pillugu ilisimatitsisoqarumaartoq, ilinniartitaanermut taamaattumut atatillugu. Naalackersuisumillu pilersinneqartup suleqatigiissitap suli inaarutaasumik siunnersuutini saqqummiutinngimmagu, taava Naalackersuisup suli aningaasalersuinissamut periarfissat nalilersinnaanngilai aningaasalersuinissamik periarfissat, aningaasaliissutissat annertussusissaat suli ilisimaneqanngimmata. Ataatsimiititaliap suliani naammassereerpagit ataatsimiititaliaq tamanna pillugu paasissutissinneqarumaarpoq.

3. Naalackersuisup suliamut atatillugu paasissutissanik allanik ilisimatitsisinnaava?

Suleqatigiissitaq ataatsimeereerpoq aallartilluareerlunilu.

Ilinniartitaanerit pingasut assigiinngitsut pineqarput, ataatsimut misissuisussat ataatsimoorussamik qulequtaasumik ilinniartitaanermik pilersitsisinnaanermik, siunertaqartumik inuiaqatigiinni kandidatini pisariaqartitsineq naammassiniarumallugu, minnerunngitsumik pisortatut fagit pineqartut iluini pisariaqartitsineq eqqarsaatigalugu.

Taamaattumik pingaaruteqarpoq Naalackersuisunut qularnaassallugu Suleqatigiissitap sulinerani misissorneqassasoq periarfissat siammassissumik kandidatit ilinniartitaanermik pilersitsisinnaaneq, naammassiniaasumik kissaataasumik pikkorissunik qaffasinnerusumik ilinniarsimasunik suliffeqarfinni peqarsinnaanermik, sulisussanik/ piginnaanernik amigaateqarneq pinaveersaarumallugu najukkani pineqartuni.

Taamaattumik pingarpoq paasissallugu ilinniartitaanernik pilersitsisoqarnissaa pilliivinngimmat: peqqissaartumik piareersaataasunik suliaqarnissaq piumasaqaataavoq. Taamaasilluni aalajangiisuvoq suliarilluakkamik ilinniartitaanermik aqqissuussisoqarnissaa, qaammarsaasumik pissutsinik pisariaqartunik tamanik, qularnaarumallugu ataatsimoorussamik kandidatit ilinniartitaanerup qaffasissumik inissisimanissaa.

Naalackersuisup ilanngullugu ilisimatitsissutigisinnaavaa ilinniartitaanermik aqqissuussineq kandidatit ilisimatiusarfimmi ilinniagaqarsinnaanermik Naalackersuisunut tusarniaassutigalugu nassiunneqartussaammat Inatsisartut qaffasinnerusunik ilinniartitaanerit pillugit inatsisaat naapertorlugu, tamatumalu kingornagut qularnaarneqassaaq tamatuma kingorna ilisimatiusarfiup nammineq

iluani aqutsisunit akuersissutigineqarnissaa, Iisimatusarfik pillugu Inatsisartut inatsisaat naapertorlugu.

Ilinniartitaaneq SPS -imit neqeroorutaassappat tamanna pillugu aqqissuussineq Naalakkersuisuniit akuersissutigineqartussaavoq, aammalu ilinniartitaaneq tamatuma kingornagut Naalakkersuisunut tusarniaassutigineqassalluni qaffasinnerusunik ilinniartitaanerit pillugit Inatsisartut inatsisaat naapertorlugu.

Soorluli ataatsimiititaliaq Iisimatusarfimmi rektorimit allakkatigut ulloq 21.10.2024-imeersutigut ilisimatinneqareersoq, Iisimatusarfiup ilisimatitsissutigisimavaa maanna allakkap suliarineqarnerisa nalaanni ingerlanneqartoq ilinniartitaanernik aqqissuussinerit marluk kandidatinnigorniarnernut atasut suliarineqarmata, Kandidatitut ilinniartitaaneq (perorsaannermut sociologi) issittumi perorsaaneq aamma kulturit naapinneri pillugit ilisimatusarneq, kiisalu isumaginninnikkut fagitigut aqutsinermik ilinniartitaaneq kandidatinnigorniarluni.

Naalakkersuisoqarfiup rektori allakkiaq pillugu ataatsimeeqatigisimavaa. Rektorip tamatumunnga atatillugu oqaatigaa kandidatinnigorniarluni ilinniartitaanerit taakkua marluusut suleqatigiissitap sulinerni akulerunneqarsinnaasut, qilanaarineqartorlu suleqatigiinnissaq, soorlu allakkiami ersittoq.

Inussiarnersumik inuulluaqqusilluta



Aqqaluaq B. Egede
Naalakkersuisoq